

ادبیات عمومی و سیاسی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکدن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیلرک وجوده کتوریلان بی نظیر ساحه دلکشاده انشا ایتدیردکلی یکی سرائیک برقمسی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولنمشدر .

اندرونه مدخل ، سرای ملوکانه‌ک، باب هایون و باب السلام و باب السعاده ناملریله یاد ایدیلان سلطنت قاپولرینک اوچنجیسی بولنان باب السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامع‌شریفلر ، تعلیمخانه‌لر ، مشقخانه‌لر انشا ایدلنمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب السعاده اغاسی « قاپو اغاسی » ایدی . قاپو آغالی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالدور ایدی . اندرونده بردائره‌ده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولنمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

جلال نوری بك افندی یه

بكم افندم ،

سزه دارالفنون طالباتندن شكوفه خانمك برشعري كوندزيورم . لطفاً مجموعه كزه درج ايده رسه كز طالباتي ده ، معلملرني ده منتدار ايتش اولورسكز . شورك بركله سي بيله تصحيح كورمديكني بيلم . تأمينه حاجت وارمي ؟ ايسته خانم قيزلرئز آراسنده ده شاعرلر يتشمكه باشلادي . اولرده هرگون آثاريني كورمكه مباھي اولديقم شوق تحصيل بيله ذوام ايتديكجه اناث دارالفنونندن ملتك بويوك قادينلري يتشه جكدر . بن بوندن وجدانا امينم . مقتدركنج قيزلرئزك اراصرا نشر آثاريله حقلرنده تشويقات ابراز بويورولورسه هيمزك امل مخصوصي اولان تعالى نسوانه خدمت ايديلش اولور . احترامات مخصوصه مي تأييد ايلرم افندم .

علي اكرم

۲۱ ل كانون ثاني ۱۳۳۲

ده كزه

برصولت پرغيظ ايله قهار و خروشان ،
عصيان ايديور ، حايقيريور ، چارپينيورسك ؛
قارشيكده سواحل طورويور ، صامت ورعشان ؛
حدتله كوپوكلر صاحبيور صانكه مجومك ! .

هر صدمه قهرگله ديديكلندي ، دوگولدي ؛
باق سينه خاكه ، نه حزين بوني بوكولدي !
لكن ينه سن صائل بي حس ؛
پيشكده صخور ايكلهر ازلدن بهري ، مونس ..

* *

لكن نه ايچين ، سويله ؛ بوفرياد ، بو عصيان ؟
ير غاوغاسي .. آه ، آكلايورم ، ايسته اوملعون ،
خائن املك ذوقني مسهوف .. اوزاقدن :
« وقتيله بندي شو گوزهل ذروه ! » ديورسك .

چارپين ، آز ، ازيل ؛ بنه ارضي سوكه مرسك ؛
باق سن متحرك ؛ او ايسه .. ثابت وسنگين ! .
تويله ايسه سكوت ايله وديكله ن ،
صوصسون شو عصرلرجه سورهن ظلم ابديا ! .

* *

تاريخي دوشون : « عيني اصلهن » ديور ، عالم .
يوغرولديغك ادواري اونوتدگمي برابر ؟